

嘉業堂
叢書

松隱集

第三冊

松隱文集卷二十一

宋曹勛著

山居雜詩

種杏三年實種桃一載花花實固可樂爲農本桑麻功
成不占地改植常可誇要是農須學作畧自一家
隔歲種成麥起麥秧稻田晚禾亦云竟冬茱碧相連收
割不閒手壠畝無空阡家蓄千指客始知常有年
孟夏物物茂瓜瓠先置架引苗上扶疏鬚蔓競纏挂白
花亦已出青實旋造化會喜園枯時七筍不增價
蒸沙以爲城冶鐵用作限未伸彼利害先爲已憂患家
事席未煖基址已永嘆在德不在險推類仁者諫

吾年今七十非杖或能行食罷散步武欲與跛龍爭皮
裏氣不充骨中髓不生安能勉筋力笑傲雲霞輕
伏日更酷暑當午劇炎烈火雲凝不動勢欲終歲熱天
公蘇赤子雨隨震霆發一掃回清涼庭筠助騷屑
除地台山麓稍葺五畝宅松竹互偃亞雲山若阡陌子
舍念我老文餘躬幹役欣欣歸來樂樂豈一朝夕
墻裏種桃杏新春亦已花墻外繞扶疏綠蔭皆桑麻今
年風雨時日見田稻嘉長餅瀉黃湯且餉田畯茶
清曉看田去乘露衣襟涼已有耘夫出揖我喜非常爲
言苗正好喜顏笑亦長雖有吏在門視苗端可償
松根有至藥琥珀與茯苓琥珀未易致茯苓選宜精製

與麴塵細色如截肪升一匕拌朝粥地黃安可京
松色蔭人居松力治人病丹砂含其滋復可延性命幽
居繞蒼髯不畏夏日盛風來聽笙竽便有華胥興
卜居得幽勝景物無升沉峯巒環郭郭松竹排園林時
時破寂寥脩脩賴鳴禽於焉自有得天籟皆餘音
竭來天台居邑有萬戶酒一出嘗十家已覺醉屢肘留
連多好事方圓煩飢餒約趁黃昏歸不知月挂柳
年來心目昏稍息文字業曉擁台山雲時讀修禊帖稚
子來捋鬚幼孫每持鐺晚來微雨休幽徑無不涉
三伏暑可畏貧富方共之雨忽兼飄風涼與清氣隨一
飴滌炎暘萬里失蒸炊大哉天地德好生常所施

七月正流火晚飯淨刹中稍脫蒸鬱苦頓覺心境空放
意覽翠岫徐行迎好風得來喜不徹此賜皆天公

棄官了無事飯餘心境空清琴或數弄濁酒時一中人
生苦不閒得閒須從容閉門適吾樂三籟皆同功

今年已斷梅七月雨益大苗雖不厭雨灌恐有餘溉禾
梗正柔嫩水滿舞澎湃其間田高低於焉有畏愛

北風忽捲熱山頂雲已馳日影未容歛兩脚俄驟垂一
向得涼吹四山橫修眉暄寒本兩陸莫能測密移

今歲立秋早便覺驅探湯雖有正午熱已作中夜涼麻
豆率房角早禾亦上場吾心喜可知紀實藏詩章

晚家台山下雲水同一鄉人事講隣曲雞黍期相當秋

風起木杪涼氣吹衣裳東家喜見招社甕開新嘗

道人談長生禪子論寂滅二子互出奇生滅孰判別吾
儕守黃卷生理知猶劣惟當一以貫無問亦無說

前巖有蘭若委徑宜細履未能望窳堵屢復涉清泚路
紆疲脚力僧老識茶味策杖趁栖鴟斜陽在林際
客惠雙井芽千里冒寒暍品格自高勝香味兩奇絕小
小猷溪磨團團掌中月揮肘喜旋之紛泊看落雪

東岡老道友招我閱子孫大兒教以孝小兒撫以溫舉
觴意未暢已復月挂昏興言還吾廬更待它日論

真隱古招提長林如磔蝟雖有羣山峯所欠一支水草
木乏秀潤巖竇燥肌理安能借僧錫卓處泉湧沸

士不遠千里訪我村落中話舊語益密論交顏不紅酒
炙乏供給近製相延容白飯與青芻且餉驢與僮

栽竹勿傍牆種蕉莫近砌頃之根蔓延寢乃壞堦凡扶
疎宛成趣茂密相映蔽操刀時遣獠洗削去翳翳

朝來天無風秋陽劇炎銳當午屏翳動松竹發清吹風
豈憐我老飄蕭翔異氣冷然濯煩襟蘇息殆天意

平生文字飲真積力已久溫故忽若醉卯飲不待酒昏
然亟步武快哉繞衡陋水闊夕陽紅雨餘羣山秀

閒時謁墳山小築真隱麓怪來少清景頗似闕修竹荷
鋤斷雲煙移種扶疎綠亭亭纔數根一掃羣樸櫟

閩浙風土異九日未見菊豐株閎秀色細蓓淒已綠當

樽折野藥氣味亦棖觸詎知三徑中采采不一足
人惠九臯禽應節每對舞縈彼雲漢心成我閒靜趣六
翩不忍剪深徑任翔翥一舉遨天風應到逍遙處

流泉墮石壁清韻傳幽林詎知水石韻可契琴筑音支
筇聽之久涼風吹衣襟更待月下來同我清夜吟

畫工作江梅粉繪良自誇吾儕暈澹墨一枝纔數花風
情意自足橫斜不可加須知自古來畫家須詩家

露蜂綴林薄土蜂翔戶內飛繞旬日間穿穴皆其類眾
聲互起息闐然自闐闐螫幼成腫毒居閒視其未

憶君遠亦去泉響塹每度一笑成真樂此樂固難屢村
閒桑柘秋川濶牛羊暮歸顧紫領巾媿我方學圃

英石多斧鑿司石殊怯脆拳然太湖出始有巖壑意彈
窩數峰緣欲與仇池對永念靈壁巧嵌空勞夢寐

休官伏畎畝農事未厭覽年豐則知喜歲歉頗不鑒螟
蟊則曰蠖不實乃名有生民情與勤天災未嘗濫

台州方言

禾黍不實曰
有音喊上聲

偶讀禪門禮老蹟存清規魚鼓鐘磬間細行兼威儀能
居三板頭可當一住持破衲受用薄後來有不知

瑞香本廬阜瑞昌最爲冠以此得瑞名昧者強臆斷種
法避寒暑錦籠不足纂欲披紫雲裘時分建溪椀

天地有大德好生洽民心炎雲漲毒暑北風散重陰欲
驅采旬熱忽作三日霖人物荷造化喜歸田畝深

頃職古器事三代考纖悉閎異必夏商形模且朴質其
間盛歛識鼓文儼周室固知文武隆牧敦當第一

蒲桃天下冠太原與全邠邠故近西涼種植紛士民豈
但馬乳堆殆若荔子春爲膏爲酒醴香味有此珍

調羹商相業粉額漢宮粧寄遠與却月六朝用彌彰犯
寒清而潔騷經何獨忘撫卷懷靈均靈均亦沉湘

蓋屋不在華所欲庇風雨種花品無繁四時看開處指
喻多非約日涉乃成趣吾年能幾日景物亦漫與

海棠盛西蜀豪壓春風塗三月浣花溪遊人鄙金珠少
陵時居瀼詩史切太虛獨不被品藻此理端何如

道德五千言屢讀殊隱奧頗能分句法已自到微妙治

國與修身篇篇言上道講解七十家識者自知要
僧相同剃除其門則異竇律儀尙講論枯禪則烏有悟
去此大魁窮說則學究與語判此科是非免紛糅
閒居養僮僕衣食必鮮美小則愛睡眠大者趨博戲不
然言疾病莫能承付委長須與赤脚昔人誠有理
莫怪遊春頻只被老逼身念此樂天語誠哉辭甚真遵
行我不勸治具汝勿嗔持炬接迎我村醉歌冠巾
三春羣卉盛在花茂與殘好花正穠麗不作十日看蓓
嫩便須賞開時惟可嘆繼自喜新綠吾心常並觀
煨室宿火銷緼袍良獨暖病身怯夜永老懷苦晝短棲
鳥驚簷頭朝日上窻眼未問粥面花地黃酒須滿

侵晨盥櫛起爽氣隨涼颺曳杖踏露草不覺路已遙水
清出沙觜煙白橫山腰致爽列羣岫不待西山招

從昔漫浪心家居意不適晨朝香火餘飯了辦游歷或
訪僧掇齋或隱者對奕歸來任侵燈龍吟噴霜笛
前村有經社香火訊屢通携朋間步往老人顏有童一
杯苦澁茗滿塘蒲稗風笑顧紙上佛何時供渠儂

平生不能棋遇棋亦輒喜從來號萬戶知生不救死多
見國手說得先乃妙理更有末後著此著知者幾

不持月三長不奉八關戒久素則生疾多肉亦思菜菔
決今莫遂嚙汁老所快終當屏去葷居山得自在

江海吹天風飛舞散千壠橫斜任所適光麗世非種險

穢已平治屋背欲涵湧年豐此兆之有秋可高拱
旬日扣玉京所見如夙昔紅雲隱碧洞清溪映白石臨
流坐且久浩氣洞胷臆溪深竟難涉踟躕撫蒼壁

古鐵如鉤戟歲久鏽斷綻久爲土氣蝕皆成疏豆澠銖
兩每不多積之可精煉爲劍或爲刀花賓劣于滇

平昔喜鰲舉未易自摧墮功名邂逅來求則成大過壯
年不艱苦老卽困寒餓消長理或然要知非力可

造化致有生旋亦致凋瘁草木方薿薿枝葉忽靡靡初
發白雨滌接以赤日熾末爲飈風吹從是卽委翳

早年困胡虜驚痛失方寸居常雖勉勉臨事輒悶悶作
字每誤墨裁詩或失韻老來疾益侵爾然誰可論

半夜秋風高便覺殘暑退一涼精神醒終夕枕簟媿我
老念病役生病爲形贅永懷忘形友寒暑孰能累
鷄冠與鳳仙早種近堦砌夏秋無花時類能作幽致鷄
色惟青紫鳳葉雜紅翠來年不待種罅隙自苗裔

台山邑萬戶戶以酒爲天不憚甑生塵所願酒如泉多
疾自麴蘖致天非天年因思禁酒法積粟民沛然

萬花烘天容粉色騰雲氣花雲覆臺榭疑若天亦醉杯
盤多歡賞供帳亦明麗遊人侵宵歸風雨恐踵至

赤城玉京天冠簡奉香火一旦僧有之道容易佛坐忽
爲道復得瞿曇加巾裹屢改神不聞二家自人我

先生羲皇上與物同逶迤道伴雜然至閑情示之希蒲

團茶味足明窓情話遲一室多人靜相見亦何時

蒔松須殘臘栽花宜早春移竹日隨月種麻月及辰旺
方八卦定農詩七月陳物性無不然農業宜斤斤

山間氣候晚初冬菊英回定俟開爐集始送泛菊杯漸
列眾色異不殊東籬栽冷雨與寒煙深惜易塵埃

台山穴三獸樵者不得薪忽是食人虎便有射虎人善

惡必對待禍福常相隣架月寢三皮居山聊一欣

出入洞下一月
間獵人盡得之

時有三虎

春雨要如膏發生物已拆霖霖則易耨浸漬乃損麥連
旬不見日過社麻亦阨再拜祈開晴民食庶可得

蓬華久不居乍歸欣故情落葉聚蛛網殘莎鬧蛩聲迹

與朝市遠夢隨風月清從此眠食間蕭散安餘生

八月河漢近涼蟾輝太清窻戶紗已薄草木風有聲所
喜暑云退不憚歲徂征招客對晚色酒與月同傾

村落闢幽居深靜頗得趣白雲棲簷棟嵐光照窻戶往
還得隱逸談笑皆舊故不畏歸路遙家家響機杼

手種亭下松偃蓋出雲外攀條喜修幹爲我發清吹曉
庭風瑟縮夜月金瑣碎種久方來歸對之顏有愧

寓居溪陰剎未暇理歸棹遮眼闕文史借書得探討卷
舒白虎通涵泳青龍鈔賢哉絕世書欣然慰幽抱

吾年已七十眠早起不晏勸甚就宵枕臥久思永旦雖
無文字勞漸絕人事歎收其放心爾戒得尤所贊

得閒一何樂佳處先徜徉每扣隱逸士屢過清靜坊地
僻干戈遠年豐禾稻香訪我亦何所南澗與東岡
架屋集匠氏斲石最可恤相石千仞端壑山方得出疲
形困輦置巧礎較絲忽所直等眾人可不擇術

陳梨甘若飴雪梨脆而水二物浙左右大類擅甘脆秋
熱兼宿酒啗之手不置雖非鳳濁鷺惠予亦多矣

台蕈甘擅名油葱茱枯腊及居台山下生致出巖隙丁
頭形磷磷雞股香羃羃清對雲水客輩素得共食

休退居遠邑頓喜人事疎飯籬不自足日記無可書惟
對楮先生復接松大夫溪友留白魚斲睡驚長須

晨弔山中行落葉響步武委曲訪隱逸清談銷百慮老